

UGOVOR O KUPOPRODAJI

Zaključen između:

1. R & S d.o.o. Sarajevo, sa sjedištem u ulici Igmanska b.b., 71320 Vogošća kojeg zastupa direktor Kemal Selmanagić, pdv br.20005629005 (u daljem tekstu: Prodavac),

2. OŠ Malta, sa sjedištem u ulici Marka Marulića 27, 71000 Sarajevo, FBiH, koju zastupa direktor Asmir Hasičić, ID broj: 4200168920001 (u daljem tekstu: Kupac).

Predmet ugovora:

Prodavac prodaje, a Kupac kupuje robu iz predračuna prodavca br 936/17 koja se nalazi u prilogu ugovora, u vrijednosti od 4.022,46 KM sa PDV – om.

Ugovorne strane su se sporazumijele o sljedećem:

Član 1.

Ugovorne strane nalaze svoj poslovni interes u poslovnoj saradnji, u skladu sa odgovarajućim propisima, dobrim poslovnim običajima, poslovnim moralom, i to na način i pod uslovima iz ovog ugovora.

Poslovna saradnja po osnovu ovog ugovora odvijat će se na obostranu korist ugovornih strana, uz uvažavanje uslova tržišta.

Član 2.

Uz obostranu saglasnost ugovornih strana, u okviru ovog ugovora, a u cilju njegove realizacije, mogu se prema potrebi, zaključivati aneksi radi konkretizovanja prava i obaveza odnosno momenata bitnih, kako za izvršenje ugovora u cijelini, tako i za izvršenje konkretnih poslova u okviru ovog ugovora.

Član 3.

Obaveze Prodavca

- da će na vrijeme isporučiti robu koja je predmet ugovora i to u roku od jednog dana od dana prijema narudžbe od strane Kupca.

Član 4.

Obaveze Kupca

- Kupac se obavezuje da Prodavcu plaća robu koja je predmet ovog ugovora u roku od 30 dana od dana obostranog potpisivanja ugovora.
- Kupac je dužan da, po kvantitativnom prijemu robe, bez odlaganja utvrdi kvalitet robe, čim je to prema redovnom toku stvari i okolnostima moguće, te da o nedostacima primljene robe obavijesti Prodavca, i to najkasnije u roku od jednog dana od dana prijema robe.

Član 5.

Prodavac zadržava pravo da, po svakom konkretnom poslu, Kupcu zaračuna zakonom dozvoljenu zateznu kamatu za sva prekoračenja roka plaćanja.

Član 6.

Ugovor se može raskinuti i prije isteka ugovorenog roka uz obostranu saglasnost. Svaka od ugovornih strana dužna je ispuniti svoje tekuće obaveze u slučaju da dođe do raskida ovog ugovora.

Raskid Ugovora se vrši slanjem pisane obavijesti o raskidu drugoj ugovornoj strani, s otkaznim rokom od 30 dana, koji počinje teći od dana prijema pisane obavijesti o raskidu. Pisana obavijest o raskidu mora sadržati i razloge za raskid ugovora.

Narudžbe koje dopijevaju unutar otkaznog roka, ne mogu se otkazati, te sukladno tome Kupac prihvaća obavezu preuzimanja i plaćanja tako isporučene robe.

U slučaju da bilo koja od ugovornih strana prekrši ili ne ispuni bilo koju ugovornu obavezu, poslije pismene opomene druge strane i u slučaju daljeg kršenja ili neispunjenja obaveza, druga strana ima pravo nanaknadu štete i raskid ugovora.

Član 7.

Ugovor se može mijenjati i dopunjavati samo uz saglasnost obje ugovorne strane.

Izmjene i dopune Ugovora dobivaju pravnu snagu jedino ako su pisano ugovorene i pravovaljano potpisane po ovlaštenim predstavnicima obje ugovorne strane.

Bilo kakvi usmeni dogovori ili bilo kakve usmene izjave ovlaštenih, odnosno drugih predstavnika ugovornih strana neće imati učinaka na ovaj Ugovor.

Izmjenama Ugovora ne smatraju se promjene podataka stranaka upisanih u sudskom registru, a posebno onih koji se odnose na sjedište društva, lica ovlaštena za zastupanje, bankovne račune, te promjene kontakt lica zaduženih za provedbu ovog Ugovora.

O navedenim promjenama i okolnostima ugovorna strana na koju se promjena odnosi dužna je obavijestiti drugu ugovornu stranu 10 (deset) kalendarskih dana prije nastanka (upisa) promjene ili ako je promjena već nastupila, u roku od 10 (deset) kalendarskih dana nakon nastanka (upisa) promjene.

Član 8.

Ugovorne strane saglasno utvrđuju da će se dokumenti i informacije vezane za ovaj Ugovor i njegovu realizaciju, kao i dokumenti i informacije vezane za drugu ugovornu stranu i njeno poslovanje koje je jedna ugovorna strana primila ili dobila u bilo koje vrijeme od druge strane na bilo koji način, smatrati poslovnom tajnom i da se kao takve neće otkrivati ili učiniti dostupnima trećim stranama niti koristiti u svrhe koje izlaze izvan okvira izvršenja ovog Ugovora.

Ugovorna strana koja je neovlašteno učinila dostupnom informaciju koja se po ovom Ugovoru smatra povjerljivom, odgovara drugoj ugovornoj strani za time pretrpljenu štetu.

Obje ugovorne strane, kao i njihovi zaposlenici prihvaćaju obavezu čuvanja poslovne tajne u razdoblju važenja ovog Ugovora, kao i u razdoblju od 3 godine nakon prestanka važenja ovog Ugovora.

Član 9.

Za sve što ovim ugovorom (i aneksima ovog ugovora) nije precizirano primjenjuju odgovarajuće odredbe Zakona o obligacionim odnosima FBiH i važe opšte uzanse o prometu robe.

Član 10.

Ugovorne strane će sve eventualne sporove rješavati sporazumno, u duhu dobrih poslovnih odnosa, a uslučaju da ne postignu dogovor, u slučaju spora, za rješavanje je nadležan je stvarno nadležni sud u Sarajevu.

Član 11.

Sastavni i neodvojivi dio ovog Ugovora čini Ponuda Prodavca broj 4558/17
Ovaj ugovor je sačinjen u 4(četiri) istovijetna primjerka i to po 2 (dva) za svakuugovornu stranu.

U Sarajevu

Dana: 26.05.2017. godine

broj: 300/2017

PRODAVAC
R & S d.o.o. Sarajevo

Direktor, Kemal Selmanagić



KUPAC
OŠ Malta
Direktor, Asmir Hasičić



Bosna i Hercegovina
Federacija Bosne i Hercegovina
KANTON SARAJEVO-OPĆINA NOVO SARAJEVO
J.U. OSNOVNA ŠKOLA "MALTA" SARAJEVO
Broj: 01-967...17...
Datum: 26.05. 2017...god.